

以下據《大乘阿毘達磨雜集論》及《成唯識論述記》義，由十八種任持(任持者，謂具堪能擔當之力)以顯六波羅蜜多差別：

(一)施三種者，謂

1. 財施=身任持。當知財施能任持身，由飲食等諸資生具攝益受者所依身故。
2. 無畏施=心任持。無畏施能任持心，安慰他心離憂怖故。
3. 法施=善法任持。法施能令受者善心種子滋益增長故。

(二)戒三種者，謂

1. 律儀戒=善任持。律儀戒能遠離、防護、受持，故亦名轉捨不善戒。
2. 攝善法戒=菩提任持。攝善法戒是證菩提之因故。
3. 饒益有情戒=悲任持。饒益有情戒能濟諸有情故。

(三)忍三種者，謂

1. 耐怨害忍=不捨有情任持。若不耐怨害，便於彼怨害者捨棄故。
2. 安受苦忍=捨下劣心任持。下劣心者，謂諸菩薩厭生死苦同二乘心，由安受苦忍所任持故方捨此心。
3. 諦察法忍=無生法忍任持。諦察法忍是前二忍所依止處，堪任甚深廣大法故。

(四)精進三種者，謂

1. 被甲精進=善根方便任持。被甲精進能為善心攝益增長之方便故。
2. 攝善精進=善根圓滿任持。攝善精進能漸圓滿證得善心故。
3. 利樂精進=善根無盡任持。善根無盡者。謂窮生死際恒作一切有情利益安樂事，乃至於無餘涅槃界亦不棄捨，亦名饒益有情精進。

(五)靜慮三種者，謂

1. 安住靜慮=無厭倦任持。從果為名，亦名現法樂住靜慮，能離慢見等煩惱得清淨故。
2. 引發靜慮=諸所思事成滿任持。引發者引神通故。
3. 辦事靜慮=御眾業任持。辦事者，謂辦利有情事故，以能止息飢饉故。御眾業者，謂依止內證故，教授教誡所化有情，心未定者令其得定，心已定者令其解脫，由饒益有情靜慮所任持故，亦名饒益有情靜慮。

(六)般若三種者，謂

1. 生空無分別慧
2. 法空無分別慧
3. 俱空無分別慧

《大乘阿毘達磨雜集論》從勝功德說為：

1. 緣世俗慧=證入大地任持。證入大地者，謂先信解甚深教法，資糧圓滿速能證入初極喜地，由緣世俗慧所任持故。
2. 緣勝義慧=引發佛性任持。
3. 緣有情慧=建立佛事任持。